

孝

經

集

證

孝經集證卷五

桂文燦纂

聖治章

曾子曰敢問聖人之德無以加於孝乎子曰天地之性人為貴人之行莫大於孝

大戴曾子大孝小戴祭義並云樂正子春曰吾聞之曾子曾子聞諸夫子曰天之所生地之所養人為大矣父母全而生之子全而歸之可謂孝矣盧注孝經曰天地之性人為貴人之行莫大於孝也小戴中庸篇云天命之謂性率性之謂道脩道之

謂教

臣謹案性即命也命即性也人之本性即味色聲臭安佚不幸以道則致毀無節故責脩

之天性以人為貴人行以

孝為教則脩道率性矣

論語學而篇云子曰父在觀其志父沒觀其行三年無改於父之道可謂孝矣鄭注云人之為行莫先於孝

說苑建本篇云夫子亦云人之行莫於孝

漢書杜欽傳欽對策白虎殿云孝人行之所先也

孝莫大於嚴父嚴父莫大於配天則周公其人也
大戴明事篇云率而祀天於南郊配以先祖所以

教民報德不忘本也率而享祀於太廟所以教孝也

孟子萬章上篇云孝子之至莫大乎尊親尊親之至莫大乎以天下養為天子父尊之至也以天下養養之至也詩曰永言孝思孝思維則此之謂也書曰祗載見替腹喪喪齊栗替腹亦允若是為父不得而子也趙氏章指言孝莫大於嚴父而尊之矣行莫過於蒸蒸執子之政也此聖人之執道無有加焉

荀子禮論篇云王者天太祖楊注謂以配天也

太祖若周之后稷

白虎通義聖人篇云聖人何以言文王武王周公皆聖人詩曰文王受命非聖人不能受命易曰湯武革命順乎天湯武與文王比方孝經曰則周公其人也下言夫聖人之德又何以加於孝乎

荀悅家令說太公論云孝經曰故雖天子必有尊也言有父也王者必父事三老以示天下所以明有孝也無父猶設三老之禮況其存者乎孝莫大於嚴父故后稷配天尊之至也禹不先

鯀湯不先契文王不先不屈古之道子尊不加
於父母家令之言於是過矣

昔者周公郊祀后稷以配天宗祀文王於明堂以配
上帝

尚書堯典曰禋于六宗

伏生大傳六宗為天地四方之神六者皆有功于民

故專而祀之近金榜注中並從其說謂周禮方明
孝經宗祀即其遺象六宗之祀與文王同地故文
王亦稱
宗祀

又召誥曰惟太保先周公相宅越若來三月惟丙
午肅越三日戊申太保朝至于洛卜宅厥既得卜
則經營越三日庚戌太保乃以庶殷攻位于洛汭

越五日甲寅位成又曰若翼日乙卯周公朝至于洛則達觀于新邑營越三日丁巳用牲于郊牛二越翼日戊午乃社于新邑牛一羊一豕一又曰其作大邑其自時配皇天

又洛誥曰今王即命曰記功宗以功作元祀惟命曰汝受命篤弼丕視功載乃汝其悉自教工王若曰惇宗將禮稱秩元祀又曰承保乃文祖受命民乃單文祖德又曰王肇稱禋禮祀于新邑又曰孺子來相宅戊辰王在新邑烝祭歲文王騂牛一武王騂牛一王命作冊逸祝冊惟告周公其後王賓

殺禮咸格王入太室裸王曰公予小子其退即辟
于周命公後王曰公定予往已王命周公後作冊
逸誥在十有二月惟周公誕保文武受命惟七年
又君奭曰故殷禮陟配天多厯年所

詩大雅文王篇云無念爾祖聿修厥德永言配命
自求多福殷之未喪師克配上帝宜鑒于殷駿命
不易命之不易無逼爾躬宣昭義問有虞殷自天
上天之載無聲無臭儀型文王萬邦作孚

又生民序云生民尊祖也后稷生于姜嫄文武之
功起於后稷故推以配天焉誕后稷之穡有相之

道第厥豐草種之黃茂實方實苞實種實裒實發
實秀實堅實好實穎實栗即有邠家室誕降嘉種
維秬維秠維糜維芑恒之秬秠是穫是畝恒之糜
芑是任是負以歸肇祀誕我祀如何或春或揄或
簸或蹂釋之災災烝之浮浮載謀載維取蕭祭脂
取膋以較載燔載烈以興嗣歲印盛于豆于豆于
登其香始升上帝居歆胡臭亶時后援肇祀庶無
罪悔以迄于今

又周頌清廟篇云於穆清廟肅雍雍顯相濟濟多士
東文之德對越在天駿奔走在廟不顯不承無射

於人斯

又維清篇云維清緝熙文王之典聲禮迄用有成
維周之禎

又昊天有成命序云昊天有成命郊祀天地也昊
天有成命二后受之成王不敢康夙夜基命宥密
於緝熙單厥心肆其靖之

又我將序云我將祀文王於明堂也我將我享維
羊維牛維天其右之儀式刑文王之典日靖四方
伊嘏文王既右饗之我其夙夜畏天之威于時保
之正義曰謂祭五帝之於明堂以文王配而祀之

即孝經所謂宗祀文王於明堂以配上帝是也文王之配明堂其祀非一此言配文王於明堂謂大饗五帝於明堂也

又思文序云思文后援配天也思文后援克配彼天立我烝民莫匪爾極詒我來年帝命率育無此疆爾界陳常于時夏

小戴月令篇云天子乃祈來年於天宗盧氏植注以為即六宗之神劉台拱據此讀郊祀后援以配天宗為句臣謹案此讀非也

又明堂位全篇

又大傳篇云禮不王不禘王者禘其祖之所自出

以其祖配之鄭注孝經曰郊祀后稷以配天配靈
威仰也宗祀文王於明堂以配上帝汎配五帝也
又樂記篇云祀乎明堂而民知孝鄭注文王之廟
為明堂

又祭法篇云周人禘嘗而郊稷祖文王而宗武王
鄭注孝經曰宗祀文王於明堂以配上帝

援神契云郊祀后稷以配天配靈威仰也宗祀
文王於明堂以配上帝汎配五帝也

禮大傳又鄭注

云明堂文王之廟夏后氏曰世室殷人曰重屋
周人曰明堂東西九筵南北七筵堂崇一筵五

室凡室二筵蓋之以茅宗祀文王於明堂以配

上帝明堂上圓下方八窗四闔布政之宮在國

之陽帝者神也象上可承五精之神五精之神

實在太微於辰為巳

玉藻
正義

又云得陽氣明謂

之明堂

考工記
匠人疏

又云明堂有五室天子每日於

其室聽朔布教祭五帝之神配以有德之君

齊南

書禮

又云明堂之制東西九筵筵長九尺也明

堂東西八十一尺南北六十三尺故謂之太室

周之明堂在國之陽三里之外七里之內在辰

巳者也

御覽禮儀
部十二

鉤命決云郊祀后稷以配天地祭天南郊就陽

位祭地北郊就陰位后稷為天地主文王為五

帝宗

禮器曲禮正義通典禮

又云宗祀文王於明堂以配

上帝五精之神

文選東京賦注

是以四海之內各以其職來祭夫聖人之德又何以加於孝乎

大戴曾子大孝篇曰大孝不匱又曰博施備物可

謂不匱矣

孔廣森曰四海之內各以其職來祭備物之謂也

公羊桓元年傳諸侯時朝乎天子何注曰時朝者順四時而朝也王者亦貴得天下之歡心以事其

先王因助祭以述其職故分四方諸侯為五部部
有四輩輩主一時孝經曰四海之內各以其職來
助祭尚書曰羣后四朝敷奏以言明試以功車服
以庸是也

國語周語云甸服者祭侯服者祀賓服者享

鉤命決云東夷之樂曰鞀持牙助時生南夷之
樂曰任持弓助時養西夷之樂曰佻雜持鉦助
時殺北夷之樂曰禁持楯助時藏皆於西門之
外右僻

周禮觀鞀氏疏
文王世子明堂正義
詩鼓鐘正義

漢書王莽傳上云周公居攝郊祀后稷以配天

宗祀文王於明堂以配上帝是以四海之內各
以其職來祭蓋諸侯千八百矣

故親生之膝下以養父母曰嚴

春秋說題詞云孝經者所以明君父之尊人道
人業天地開闢皆在孝經注云人非父不生非
母不養天地開闢而生人承天地是故親生膝

下以養父母

御覽學部四

聖人因嚴以教教因親以教愛聖人之教不肅而成
其政不嚴而治其所因者本也

小戴祭義篇云子曰立愛自親始教民睦也立敬

自長始教民順也教以慈睦而民貴有親教以敬
長而民貴用命教以事親順以聽命錯諸天下無
所不行

又祭統篇云夫祭之為物大矣其興物備矣順以
備者也其教之本與是故君子之教也外則教之
以尊其君長內則教之以孝其親是故明君在上
而諸侯服從榮事宗廟社稷則子孫順孝盡其道
端其義而教生焉是故君子之事君也必身行之
所不安於上則不以使下所急於下則不以事上
非諸人行諸已非教之道也是故君子之教也必

由其本順之至也祭其是與故曰祭者教之本也
已

鈞命決云政者正也正惠名以行道

周禮夏官敘
日司馬注

父子之道天性也君臣之義也

小戴文王世子篇云是故知為人子然後可以為
人父知為人臣然後可以為人君知事人然後能
使人成王幼不能涖阼以為世子則無為也是故
抗世子法於伯禽使之與成王居欲令成王知父
子君臣長幼之義也君之於世子也親則父也尊
則君也有父之親有君之尊然後兼天下而有之

是故養世子不可不慎也

又樂記篇云人生而靜天之性也感於物而動性之欲也物至知知然後好惡形焉好惡無節於內知誘於外不能反躬天理滅矣

援神契云情者魂之使性者魄之主情主於陰

以計念性生於陽以理契蒸民正義 御覽卷其部二 御又云

性者人之質人所稟性受產情者陰之數內傳

著流通於五臟故性為本情為末主安靜恬然

守常情則主動觸境而變動靜相交故間微密

也

大義論性情第十八 蒸民正義中庸鄭注 引孝經說人之質作生之質命人所稟命作

人所稟
變度也

鉤命決云正朝夕者視北辰正情性者視孝子
郭說又云情生於陰欲以時念也性生於陽以就
理也陽氣者仁陰氣者貪故情有利欲性有仁
也

白虎通
性情

荀子子道篇云故勞苦彫萃而能無失其敬哭
禍患難而能無失其義則不幸不順見惡而能
無失其愛非仁人莫能行詩曰孝子不匱此之
謂也

父母生之續莫大焉

詩小雅蓼莪篇曰蓼蓼者莪非莪伊蒿哀哀父母
生我劬勞

國語晉語云民生如三事之如一父生之師教之
君食之非父不生非養不長非教不知

君親臨之厚莫重焉

易家人彖傳云家人有嚴君焉父母之謂也父父
子子兄兄弟弟夫夫婦婦而家道正正家而天下
定矣

故不愛其親而愛他人者謂之悖德不敬其親而敬
他人者謂之悖禮

小戴內則篇云故父母之所愛益愛之父母之所敬益敬之至於犬馬盡然而況於人乎

孟子盡心上篇孟子曰人之所不學而能者其良能也所不慮而知者其良知也孩提之童無不知愛其親也及其長也無不知敬其兄也親親仁也敬長義也無他達之天下也

以順則逆民無則焉

大戴四代篇云為父不慈妨於政為子不孝妨於政

小戴表記云君命順則臣有順命君命逆則臣有

逆命

左氏隱三年傳云且夫賤妨貴少陵長違間親新間舊小加大淫破義所謂六逆也君義臣行父慈子孝兄愛弟敬所謂六順也去順效逆所以速禍也

不在於善而皆在凶德雖得之君子不貴也

左氏文十八年傳云孝敬忠信為吉德盜賊藏姦為凶德夫莒僕則其孝敬則弑君父矣則其忠信則竊寶玉矣其人則盜賊也其器則姦兆也保而利之則主藏也以訓則昏民無則焉不度於善而

皆在於凶德是以去之

君子則不然言思可道行思可樂德義可尊作事可法容止可觀進退可度

詩鄘風相鼠篇云人而無止鄭箋云止容止孝經曰容止可觀

周禮保氏云教國子六儀一曰祭祀之容二曰賓客之容三曰朝廷之容四曰喪紀之容五曰軍旅之容六曰車馬之容

小戴玉藻云凡行容惕惕廟中齊齊朝廷濟濟翔翔君子之容舒遲見所尊者齊遫足容重手容恭

目容端口容止聲容靜頭容直氣容肅立容德色
容莊坐如尸燕居告溫溫凡祭容貌顏色如見所
祭者喪容栗栗色容顙顙視容瞿瞿梅梅言容繭
繭戎容暨暨言容路路色容厲肅視容清明立容
辨卑無調頭頸必中山立時行厲氣顙實揚休玉
色

又少儀篇云言語之美穆穆皇皇朝廷之美濟濟
翔翔祭祀之美齊齊皇皇車馬之美匪匪翼翼鸞
和之美肅肅雍雍鄭注美皆當為儀字之誤已
又冠義篇云凡人之所以為人者禮義也禮義之

始在於正容體齊顏色順辭令容體正顏色齊辭
令順而后禮義備以正君臣親父子和長幼君臣
正父子親長幼和而后禮義立故冠而后容體正
顏色齊辭令順故曰冠者禮之始也

又論語泰伯篇云曾子曰君子所貴乎道者三動
容貌斯遠暴慢矣正顏色斯近信矣出辭氣斯遠
鄙倍矣

董子春秋繁露篇云衣服容貌者所以悅目也
聲音應對者所以悅耳也好惡去就者所以悅
心也故君子衣服中而容貌恭則目悅矣言理

應對順則耳悅矣好仁厚而惡淺薄就善人而
遠辟鄙則心悅矣故曰行思可樂容止可觀此
之謂也

以臨其民是以其民畏而愛之則而象之

左氏襄三十一年傳云衛北宮文子見令尹圉之
威儀言於衛侯曰令尹似君矣將有他志雖獲其
志不能終也詩曰靡不有初鮮克有終終之實難
令尹其將不免公曰子何以知之對曰詩云敬慎
威儀維民之則令尹無威儀民無則焉民所不則
以在民上不可以終公曰善哉何謂威儀對曰有

威而可畏謂之威有儀而可象謂之儀君有君之
威儀其臣畏而愛之則而象之故能有其國家令
聞長世臣有臣之威儀其下畏而愛之故能守其
官職保族宜家順是以下皆如是是以上下能相
固也衛詩曰威儀棣棣不可選也言君臣上下父
子兄弟内外大小皆有威儀也周詩曰朋友攸攝
攝以威儀言朋友之道必相教訓以威儀也周書
數文王之德曰大國畏其力小國懷其德言畏而
愛之也識云不識不知順帝之則言則而象之也
紂囚文王七年諸侯皆從之囚紂於是懼而歸之

可謂愛之文王伐崇再駕而降為臣蠻夷帥服可
謂畏之文王之功天下誦而歌舞之可謂則之文
王之行至今為法可謂象之有威儀也故君子在
位可畏施舍可愛進退可度周旋可則容止可觀
作事可法德行可象聲氣可樂動作有文言語有
章以臨其下謂之有威儀也

故能成其德教而行其政令

周禮族師云族師各掌其族之戒令政事月吉則
屬民讀邦法書其孝弟睦姻有學者

詩云淑人君子其儀不忒

詩曹風鵲鳩篇七傳云武疑也鄭箋云執義不疑
又經解篇云天子者與天地參故德配天地兼利
萬物與日月並明臨照四海而不遺微小其在朝
廷則道仁聖禮樂之序燕處則聽雅頌之音行步
有環佩之聲升車則有鸞和之音居處有禮進退
有度百官得其宜萬事得其序詩云淑人君子其
儀不忒其儀不忒正是四國此之謂也

又緇衣篇云子曰為上可望而知也為下可述而
志也則君不疑於其臣而臣不惑於其君矣詩云
淑人君子其儀不忒又云子曰下之事上也身不

正言不信則義不立行無類也子曰言有物而行有格也是以生則不可奪志死則不可奪名故君子多聞質而守之多志質而親之精知略而行之詩云淑人君子其儀一也

荀子富國篇云人皆亂我獨治人皆危我獨安人皆失喪之我接起而治之故仁人之用國非特將持其有而已也又將兼人詩曰淑人君子其儀不忒其儀不忒正是四國此之謂也

又議兵篇云是以免伐雖兜舜伐有苗禹伐共工湯伐有夏文王伐崇武王伐紂四帝二王皆

以仁義之兵行於天下也故近者親其善遠者慕其德兵不血刃遠邇來服德盛於此施及四國詩曰淑人君子其儀不忒此之謂也

又君子篇云故尚賢使能等貴賤分親疏序長幼此先王之道也故尚賢使能則主尊下安貴賤有等則令行而不流親疏有分則施行而不悖長幼有序則事業捷成而有所休故仁者仁此者也義者分此者也節者死生此者也忠者悖慎此者也兼此而能之備矣備而不矜一自善也謂之聖不矜矣夫故天不與爭能而致善

用其功有而不有也夫故為天下貴矣詩曰淑人君子其儀不忒其儀不忒正是四國此之謂也

呂覽先已篇云昔者先王成其身而天下成治其身而天下治故善學者不於響於聲善影者不於影於形為天下者不於天下於其身詩曰淑人君子其儀不忒其儀不忒正是四國言正諸身也

列女楚昭貞姜傳云夫人曰妾聞之貞女之義不犯約勇者不畏死守一節而已妾知從使者

必生留必死然棄約越義而求生不若留而死
耳君子謂貞姜有婦節詩云淑人君子其儀不
忒此之謂也

孝經集證卷六

桂文燦纂

紀孝行章

子曰君子之事親也居則致其敬

大戴曾子本孝篇云又能率朋友以助敬也

又立孝篇云君子之孝也忠愛以敬反是亂也又

云敬以入其忠

又大孝篇小戴祭義篇並云民之本教曰孝民小戴作

其行曰養養可能也敬為難敬可能也安為難

安可能也久為難久可能也卒為難小戴無久為難久可能也

七 父母既沒敬行其身無遺父母惡名可謂能終

矣仁者仁此者也禮者體此者也

禮小戴作履

義者宜

此者也信者信此者也彊者彊此者也樂自順此
生刑自反此作

小戴玉藻篇云父命呼唯而不諾手執業則投之
食在口則吐之走而不趨鄭注至敬

又坊記篇云子云小人皆能養其親君子不敬何
以辨子云父子不同位以厚敬也書云厥辟不辟
忝厥祖

論語為政篇云子游問孝子曰今之孝者是謂能

養至於犬馬皆能有養不敬何以別乎

鉤命決云臨深者其水不測孝至者其敬無窮

說

養則致其樂

大戴曾子大孝篇云民之本教曰孝其行之曰養
又立孝篇云飲食移味居處溫愉

又事父母篇云孝子無私樂父母所憂憂之父母
所樂樂之孝子唯巧變父母安之

又衛將軍文子篇云常以皓皓是以眉壽是曾參
之行也孔子曰孝德之始也弟德之序也信德之

厚也忠德之正也參也中夫四德者矣故以此稱之也

小戴文王世子篇云視上必在視寒煖之節食下問所膳命膳宰曰未有原應曰諾然後退武王帥而行之不敢有加焉

又內則篇云后王命冢宰降德於眾兆民子事父母難初鳴咸盥漱櫛縱笄總衣紳左佩紛悅刀礪小鵬金燧右佩玦綬笏左右佩用左佩紛悅刀礪小鵬金燧右佩玦捍管遘大鵬木燧偏屨著綦埽事舅姑如事父母難初鳴咸盥漱櫛縱笄總衣紳左佩紛悅刀礪小

鵬金燧右佩箴管線續施絮衮大鵬木燧衿纓綦
屨以適父母舅姑之所及所下氣怡聲問衣燠寒
疾痛苛養而敬抑搔之出入則或先或後而敬扶
持之進盥少者奉槃長者奉水請沃盥盥卒授巾
問所欲而敬進之柔色以溫之醴醢酒醴芼羹菽
麥黃稻黍粱秫唯所欲棗栗飴蜜以甘之薑薑粉
榆兔菟滑瀝以滑之脂膏以膏之父母舅姑必嘗
之而後退男女未冠笄者雞初鳴咸盥漱櫛髮拂
髦總角衿纓皆佩容臭昧爽而朝問何食飲矣若
已食則退若未食則佐長者視具又云由命士以

上父子皆異宮昧爽而朝慈以旨甘日出而退各
從其事日入而夕慈以旨甘父母舅姑將坐奉命
請何鄉將社長者奉席請何趾少者執牀與坐御
者舉几歛席與簞縣衾篋枕故簞而禡之父母舅
姑之衣食簞席枕几不傳杖屨祇敬之勿敢近敦
牟卮匱非餽莫敢用與恒食飲非餽莫之敢飲食
父母在朝夕恒食子婦佐餽既食恒餽父沒母存
冢子御食羣子婦佐餽如初旨甘柔滑孺子餽在
父母舅姑之所有命之應唯敬對進退周旋慎齊
升降出入揖遊不敢噉噉嚏咳欠伸跛倚睇視不

敢唾洩寒不敢褻褻不敢搔不有敬事不敢袒裼
不涉不褻褻衣衾不見裏父母唾洩不見冠帶垢
和灰請漱衣裳垢和灰請澣衣裳綻裂紃箴請補
綴五日則燂湯請浴三日具沐其間面垢燂湯請
澣足垢燂湯請洗少事長賤事貴共艸時又云子
婦孝者敬者父母之命勿逆勿怠若飲食之雖不
者必嘗而待加之衣服雖不欲必服而待加之事
人代之已雖弗欲姑與之而姑使之而後復之又
云曾子曰孝子之養老也樂其心不違其志樂其
耳目安其寢處以其飲食忠養之孝子之身終終

身也者非終父母之身終其身也是故父母之所
愛亦愛之父母之所敬亦敬之至於犬馬盡然而
況於人乎

論語為政篇云子夏問孝子曰色難有事弟子服
其勞有酒食先生饌曾是以為孝乎

又里仁篇云子曰父母之年不可不知也一則以
喜一則以懼

孟子離婁篇上云曾子養曾皙必有酒肉將徹必
請所與問有餘必曰有曾皙死曾元養曾子必有
酒肉將徹不請所與問有餘曰亡矣將以復進也

此所謂養口體也若曾子則所謂養志也事親若
曾子者可也又云奔盡事親之道而替叟底豫替
叟底豫而天下化替叟底豫而天下之為父子者
定此之謂大孝

援神契云椒薑禦淫昌蒲益聰巨勝延年咸喜
辟兵此皆上聖之至言方術之寶錄也注云薑
禦淫菜也昌蒲一寸十二節者服之益聰又云
世以巨勝為枸杞子

御覽藥部一藥部六又云
類聚木部又藥部

甘肥適口輕煖適神

文選求自
試求注

呂覽孝行篇云養有五道修宮室安牀第節飲

食養體之道也樹五色施五采列文章養目之
道也正六律絃五聲雜八音養耳之道也熟五
穀烹六畜醢煎調養口之道也絃顏色說言語
敬進退養志之道也此五者代進而厚用之可
謂善養矣

陸賈新語慎微篇云曾子孝於父母昏定晨省
周寒溫適輕重勉勉之於糜粥之間行之於衽
席之上而德美重於後世

病則致其憂

小戴曲禮上篇云父母有疾冠者不櫛行不翔言

不惰琴瑟不御食肉不至變味飲酒不至變貌笑
不至矧怒不至害疾止復故有憂者側席而坐又
下篇云親有疾飲藥子先嘗之

又文王世子篇云文王之為世子朝於王季日三
雞初鳴而衣服至於寢門外問內豎之御者曰今
日安否何如內豎曰安文王乃喜及日中又至亦
如之及莫又至亦如之其有不安節則內豎以告
文王文王色憂行不能正履王季復膳然後亦復
初文王有疾武王不說冠帶而養

又玉藻篇云親齊色容不盛此孝子之疏節也鄭

注言非至孝也

論語為政篇云孟武伯問孝子曰父母惟其疾之

憂

文燦謹案王充論衡問孔篇武伯言養父母故曰唯其疾之憂淮南子說林訓憂父之疾者子

治之者醫高誘注引論語為說程子以為武伯多憂夫子因其問孝勉其多憂無益惟父母之疾可

憂其字正說父母得聖人之意

援神契云孝弟之至通於神明病則致其憂鵲

鵲消形求醫翼全注云翼羽翼親者也

喪則致其哀

大戴曾子大孝篇云父母既沒以哀祀之

又立事篇云居哀而觀其自也

又本孝篇云死則哀以蒞焉

小戴曲禮上篇云有喪者專席而坐又云居喪之禮毀瘠不形視聽不衰升降不由阼階出入不當門隧居喪之禮頭有創則沐身有瘍則浴有疾則飲酒食肉疾止復初不勝喪乃比於不慈不孝五十不致毀六十不毀七十唯衰麻在身飲酒食肉處於內

又檀弓上篇云子路曰吾聞諸夫子喪禮與其哀不足而禮有餘也不若禮不足而哀有餘也鄭注喪主哀

又玉藻篇云喪容累累色容顛顛視容瞿瞿梅梅
言容篇論

又少儀篇云喪事主哀

又雜記下篇云子貢問喪子曰敬為上哀次之瘠
為下顏色稱其情戚容稱其服鄭注容戚儀也孝
經曰容止可觀

左氏襄三十一年傳云且是人也居喪而不哀在
戚而有嘉容是謂不度

論語子罕篇云喪事不敢不勉

又子張篇云子張曰喪思哀又子游曰喪至乎哀

而止又曾子曰吾聞諸夫子人未有自致者也必也親喪乎又曾子曰吾聞諸夫子孟莊子之孝也其他可能也其不改父之臣與父之政是難能也祭則致其嚴

小戴禮弓上篇云子路曰吾聞諸夫子祭祀與其敬不足而禮有餘也不若禮不足而敬有餘也鄭注祭主敬

又云藻篇云凡祭容貌顏色如見所祭者

又少儀篇云祭祀主敬

又祭義篇云祭不欲數數則煩煩則不敬祭不欲

疏疏則怠怠則忘又云祭之日入室儼然必有見
乎其位周旋出戶肅然必有聞乎其容聲出戶而
聽愾然必有聞乎其歎息之聲又云唯聖人為能
饗帝孝子為能饗親饗者鄉也鄉之然後能饗焉
是故孝子臨尸而不怍君牽牲夫人奠盞君獻尸
夫人薦豆卿大夫相君命婦相夫人齊齋乎其敬
也愉愉乎其忠也勿勿諸其欲其饗之也又云孝
子將祭慮事不可以不豫此時具物不可不備虛
中以治之宮室既脩牆屋既設百物既備夫婦齊
戒沐浴盛服奉盛而進之洞洞乎屬屬乎如弗勝

如將失之其孝敬之心至也與薦其薦俎序其禮
樂備其百官奉承而進之於是諭其志意以其慌
惚以與神明交庶或饗之庶或饗之孝子之志也
孝子之祭也盡其慈而慈焉盡其信而信焉盡其
敬而敬焉盡其禮而不過失焉進退必敬如親聽
命則或使之也孝子之祭可知也其立之也敬以
誦其進之也敬以愉其薦之也敬以欲退而立如
將受命已徹而退敬齊之色不絕於面孝子之祭
也立而不誦固也進而不愉疏也薦而不欲不愛
而忘本也如是而祭失之矣孝子之有深愛者必

有和氣有和氣者必有愉色有愉色者必有婉容
孝子如執玉如奉盈洞洞屬屬然如弗勝如將失
之嚴威儼恪非所以事親也成人之道也又云君
子反古復始不忘其所由生也是以致其敬發其
情竭力從事以報其親不敢弗盡也又云孝子將
祭祀必有齊莊之心以慮事以具服物以脩宮室
以治百事及祭之日顏色必溫行必恐如懼不及
愛然其奠之也容貌必溫身必誦如語焉而未之
然宿者皆出其位卑靜以正如將弗見然及祭之
後陶陶遂遂如將弗入然是故慈善不違身耳目

不違心思慮不違親結諸心形諸色而術省之孝
子之志也

祭統篇云凡治人之道莫急於禮禮有五經莫重
於祭夫祭者非物自外至者也自中出生於心也
心怵而奉之以禮是故唯賢者能盡祭之義賢者
之祭也必受其福非世所謂福也福者備也備者
百順之名也無所不順者之謂備言內盡於己而
外順於道也忠臣以事其君孝子以事其親其本
一也上則順於鬼神外則順於君長內則以孝於
親如此之謂備唯賢者能備能備然後能祭是故

賢者之祭也致其誠信與其忠敬奉之以物道之以禮安之以樂參之以時明薦之而已矣不求其為此孝子之心也祭者所以追養繼孝也孝者畜也順於道不逆於倫是之謂畜

又衣記篇云子曰祭極敬不繼之樂

論語子張篇云子張曰祭思敬

五者備矣然後能事親

大戴曾子立事篇云臨事而不敬居喪而不哀祭祀而不畏朝廷而不恭則吾無由知之矣

又本孝篇云故孝子於親也生則有義以輔之死

則哀以莅焉祭祀則莅之以敬如此而成於孝子也

又大孝篇云民之本教曰孝其行之曰養養可能也敬為難敬可能也安為難安可能也久為難久可能也卒為難

小戴祭統篇云是故孝子之事親也有三道焉生則養沒則喪喪畢則祭養則觀其順也喪則觀其哀也祭則觀其敬而時也盡此三道者孝子之行也

論語為政篇云孟懿子問孝子曰無違樊遲御子

告之曰孟孫問孝於我我對曰無違樊遲曰何謂也子曰生事之以禮死葬之以禮祭之以禮
孟子滕文公篇上云曾子曰生事之以禮死葬之以禮祭之以禮可謂孝矣

事親者居上不驕為下不亂在醜不爭居上而驕則亡為下而亂則刑在醜而爭則兵三者不除雖日用三牲之養猶為不孝也

大戴曾子立事篇云庶人日且思其事戰戰惟恐
刑罰之至也

又制言下篇云不通惠而出危邑又云嚮爾盜寇

則吾與慮

又千乘篇云國有四輔輔卿也卿設如四體母易
事母假名母重食凡事尚賢進能使知事爵不世
能之不愆凡民戴名以能食力以時成以事立此
所以使民讓也民咸孝弟而安讓此以怨省而亂
不作也此國之所以長也

小戴曲禮上篇云凡為人子之禮冬溫而夏凊昏
定而晨省在醜夷不爭

又祭義篇呂覽孝行篇並云曾子子身者父母之
遺體也行父母之遺體敢不敬乎居處不莊非孝

也事君不忠非孝也蒞官不敬非孝也朋友不信
非孝也戰陳無勇非孝也五行不遂災及乎親敢
不敬乎

又中庸篇云是故居上不驕為下不倍

既福曰倍
者背也背

也
近亂

論語學而篇云其為人孝弟而好犯上者鮮矣
不好犯上而好作亂者未之有也

孟子離婁下篇云曾子居武城有越寇或曰寇至
盍去諸曰無寓人於我室毀傷其薪木寇退曾子
反又云昔沈猶有負薪之禍從先生者七十人未

有與焉

文舉謹案此曾子在臨不爭之義也

五刑章

子曰五刑之屬三千而罪莫大於不孝

易震九四突如其來如焚如死如棄如鄭康成曰震為長子爻失正不知其所如不孝之罪五刑莫大焉得用議貴之辟刑若如所犯之罪焚如殺其親之刑死如殺人之刑也棄如流宥之刑也

書康誥云王曰封元惡大憝矧為不孝不友子弟祇服厥父事大傷厥考心于父不能字厥子乃疾厥子于弟弗念天顯乃弗克恭厥兄兄亦不念鞠

子哀大不友于弟惟弔茲不于我政人得罪天惟
與我民彝大泯亂曰乃其速由文王作罰刑茲無
赦

又呂刑云墨罰之屬千剕罰之屬千剕罰之屬五
百宮罰之屬三百大辟之罰其屬二百五刑之屬
三千

周禮大司徒云以鄉八刑糾萬民一曰不孝之行
大司寇云以五刑糾萬民三曰鄉刑上德糾孝
又秋官司刑云掌五刑之灋以麗萬民之罪墨罪
五百剕罪五百宮罪五百剕罪五百殺罪五百

又秋官掌戮云凡殺其親者焚之

大戴曾子大孝篇曰刑自反此作

又立事篇云戰戰惟恐刑罰之至也

公羊傳二十四年傳天王出居于鄭王者無外此
其言出何不能乎母也何休解詁曰不能事母罪
莫大于不孝故絕之言出也

孟子告子下篇云初命曰誅不孝

春秋元命苞云墨劓辟之屬各千
百官辟之屬三百大辟之屬二百
列為五刑

次三千

公羊義
十千疏

援神契云刑者例也過出辜施

周禮大司寇注

鈞命決云刑者教也質辜示終

書鈔刑總

呂覽孝行篇云曾子曰身者父母之遺體也行
父母之遺體敢不敬乎居處不莊非孝也事君
不忠非孝也蒞官不敬非孝也朋友不篤非孝
也戰陳無勇非孝也五行不遂灾及乎親敢不
敬乎商書曰刑三百罪莫重於不孝

漢書匈奴傳云王莽作焚如之刑應劭曰易有
焚如死如棄如之言莽依此作刑也又注曰焚
如死如棄如者謂不孝子也不畜于父母不容

于朋友故燒殺之莽依此作刑也

說文曰而不順忽出也从到子易曰突如其來

如不孝子出不容于内也士即易突子也

既到福

子即倒字不孝不順為突易曰突如其來如蓋

謂不孝有非常之事故說文曰不順忽出既有

其事則必處之以刑故曰焚如死如棄如此

賊大亂之道所以五刑之罪莫大于不孝焉

應劭風俗通義云賊之大者有惡逆焉決斷不

違時兄故不免又有不孝之罪竝編十惡之條

新首易之者

要君者無上非聖人者無法非孝者無親此大亂之

大戴虞戴德篇云父子于子天也君之于臣天也
有子不事父有臣不事君是非反天而到行耶故
有子不事父不順有臣不事君必刃

公羊文十六年傳何注無尊上非聖人不孝者斬

首泉之

文舉臣素無尊上漢律所云罔上不
道也非聖人漢律所云非聖無法也

孝經集證卷七

桂文燦纂

廣要道章

子曰教民親愛莫善於孝教民禮順莫善於悌

周禮大司徒云以鄉三物教萬民而賓興之二曰

六行孝友睦婣任恤

又師氏云以三德教國子一曰至德以為道本二曰敏德以為行本三曰孝德以知惡逆教三行一曰孝行以親父母二曰友行以尊賢良三曰順行以事師長

大戴主言上篇云上順齒則下益悌

小戴禮器篇云禮時為大順次之

又樂記篇云樂極和禮極順內和而外順

又祭義篇云立愛自親始教民睦也立敬自長始教民順也教以慈睦而民貴有親教以敬長而民貴用命又云所以示順也

左氏僖八年傳云能以國讓仁孰大焉臣不及也且又不順杜預云立庶不順禮

又文二年傳云禮無不順祀國之大事也而逆之可謂禮乎

又十五年傳云禮以順天天之道也

又宣十二年傳云典從禮順

又成十六年傳云禮以順時

國語周語上云非禮不順

又周語中云奉義順則謂之禮

移風易俗莫善於樂安上治民莫善於禮

周禮太宰云掌建邦之六典以佐王治邦國三曰
禮典以和邦國以統百官以諧萬民又云以官府
之六職辨邦治三曰禮職以和邦國以諧萬民以
事鬼神

又大司徒云以五禮防民之僞而教之中以六樂防民之淫而教之和

小戴樂記篇云樂也者聖人之所樂也而可以善民心其感人深其移風易俗故先王著其教焉

又經解篇云禮之於正國也猶衡之於輕重也繩墨之於曲直也規矩之於方圓也故衡誠懸不可欺以輕重繩墨誠陳不可欺以曲直規矩誠設不可欺以方圓君子審禮不可誣以姦詐是故隆禮由禮謂之有方之士不隆禮不由禮謂之無方之民敬讓之道也故以奉宗廟則敬以入朝廷則貴

賤有位以處室家則父子親兄弟和以處鄉里則長幼有序孔子曰安上治民莫善於禮此之謂也論語子路篇云禮樂不興則刑罰不中孔注曰禮以安上樂以移風二者不行則有淫刑濫罰

孟子盡心上篇云仁言章指言明法審令民趨君命崇寬務化民愛君德故曰移風易俗莫善於樂樂動聲儀云樂者移風易俗所謂聲俗者若楚聲高齊聲下所謂事俗者若齊俗奢陳俗利巫

也
文選笙賦注

鈞命決云伏羲樂為立基神農樂為下謀祝融

樂為祀饋

樂記正義

又云伏羲樂名扶來亦曰立本

神農樂名扶持亦曰下謀

通考樂考通典樂

荀子樂論篇云故樂行而志清禮修而行成耳目聰明血氣和平移風易俗天下皆寧莫善於

樂

呂覽大樂篇云故治世之音安于樂其政平也亂世之音怨以怒其政乖也亡國之音悲以哀其政險也凡音樂通乎政而移風平俗者也俗定而音樂化之矣故有道之世觀其音而知其俗矣觀其政而知其主矣

白虎通義禮樂篇云王者所以盛禮樂何節文之喜怒哀樂以象天禮以法地人無不舍天地之氣有五常之性者故樂所以蕩滌反其邪惡也禮所以防淫佚節其侈靡也故孝經曰移風易俗莫善於樂安上治民莫善於禮

史記平津侯主父列傳贊後附錄太皇太后詔大司徒大司空云蓋聞治國之道富民為始富民之要在於節儉孝經曰安上治民莫善於禮禮與其奢也寧儉

漢書地理志下云凡民函五常之性而其剛柔

緩急音聲不同繫水土之風氣故謂之風好惡
取舍動靜亡常隨君上之情欲故謂之俗孔子
曰移風易俗莫善於樂言聖王在上統理人倫
必移其本而易其末此混同天下一之序中和
然後王教成也

禮者敬而已矣

小戴曲禮上篇云曲禮曰毋不敬鄭注禮主於敬
正義曰孝經云禮者敬而已矣是也

又哀公問篇云孔子對曰古之為政愛人為大所
以治愛人禮為大所以治禮敬為大

故敬其父則子悅敬其兄則弟悅敬其君則臣悅敬
一人則千萬人悅所敬者寡而悅者眾此之謂要道
也

大戴王言篇云孔子曰上敬老則下益孝上順齒
則下益悌

小戴祭義篇云先王之所以治天下者五貴有德
貴貴貴老敬長慈幼此五者先王之所以定天下
也貴有德何為也為其近於道也貴貴為其近於
君也貴老為其近於親也敬長為其近於兄也慈
幼為其近於子也

又坊記篇云子云長民者朝廷敬老則民作孝
又大學篇云所謂平天下在治其國者上老老而
民興孝上長長而民興弟上恤孤而民不倍是以
君子有絜矩之道也

廣至德章

子曰君子之教以孝也非家至而日見之也

小戴大學篇云所謂治國必先齊其家者其家不
可教而能教人者無之故君子不出家而成教於
國

教以孝所以敬天下之為人父者也教以悌所以敬

天下之為人兄者也教以臣所以敬天下之為人君者也

尚書酒誥篇云妹土嗣爾股肱純其藝黍稷奔走
事厥考厥長肇率車牛遠服賁用孝養厥父母厥
父母慶自洗腆致用酒庶士有正越庶伯君子其
爾典聽政教爾大克羞考惟君爾乃飲食醉飽丕
惟曰爾克永觀省作稽中德爾尚克羞饋祀爾乃
自介用逸茲乃允惟王正事之臣茲亦惟天若元
德永不忘在王家

大戴曾子立孝篇云故父與父言言畜子與子言

言孝父與兄言言順弟與弟言言承兄與君言言
使臣與臣言言事君

應劭漢官儀云天子無父父事三老兄事五更
乃以事父事兄為教孝悌之禮

詩云愷悌君子民之父母非至德其孰能順民如此
其大者乎

詩大雅洞酌篇毛傳云樂以彊教之易以說安之
民皆有父之尊有母之親

大戴衛將軍文子篇業功不伐貴位不善不侮可
侮不伐可佚不教無告是顯孫之行也孔子言之

曰其不伐則猶可能也其不弊百姓者則仁也詩云愷悌君子民之父母夫子其以仁為大也

小戴孔子閒居篇云孔子閒居子夏侍子夏曰敢問詩云凱弟君子民之父母何如斯可謂民之父母矣孔子曰夫民之父母乎必達于禮樂之原以致五至而行三無以橫于天下四方有敗必先知之此之謂民之父母矣

又表記篇云子言之君子之所謂仁者其難乎詩云凱弟君子民之父母凱以強教之弟以說安之樂而毋荒有禮而親戚莊而安孝慈而敬使民有

父之尊有母之親如此而后可以為民父母矣非至德其孰能如此乎

荀子禮論篇云君之喪所以取三年何也曰君者治辨之主也文理之原也情貌之盡也相率而致隆之不亦可乎詩曰愷悌君子民之父母彼君子者固有為民父母之說焉父能生之不能養之母能食之不能教誨之君者已能食之矣又善教誨之者也

呂覽不屈篇云白圭告人曰今惠子之過我尚新其說我有大甚者惠子聞之曰詩曰愷悌君

子民之父母愷者大也悌者長也君子之德長
且大者則為民父母父母之教子也豈待久哉
何事比我於新婦者乎

韓詩外傳卷六云詩曰愷悌君子民之父母君
子為民父母何如曰君子者貌恭而行肆身儉
而施博故不肖者不能逮也殖盡於已而逼略
於人故可盡身而事也篤愛而不奪厚施而不
伐見人有善欣然樂之見人不善惕然掩之有
其過而兼包之授衣以最授食以多法下易繇
事寡易為是以中立而為人父母築城而居之

別田而養之立學以教之使人知尊親故為父
服斬縗三年為君亦服斬縗三年為民父母之
謂也

又卷八云子賤治單父其民附孔子曰惜乎不
齊為之大功乃與堯舜參矣詩曰愷悌君子民
之父母子賤其似之矣又云廣地圖居以立國
崇恩博利以懷眾明好惡以正法度率民力稼
學校庠序以立教事老養孤以化民升賢賞功
以勸善懲奸細失以醜惡講御習射以防患禁
奸止邪以除害接賢連友以廣智宗親族附以

益強詩曰愷悌君子

白虎通號篇云或稱君子何道德之稱也君之為言羣也子者大夫之通稱也故孝經曰君子之教以孝也所以敬天下之為人父者也何以言知其通稱也以天子至于民故詩云愷悌君子民之父母論語云君子哉若人此謂弟子弟子者民也

史記孝文本紀云乃下詔曰今法有肉刑三而姦不止其咎安在非乃朕德薄而教不明歟吾甚自愧故夫馴道不純而愚民陷焉詩曰愷悌

君子民之父母今人有過教未施而刑加焉或
欲改行為善而道無由也朕甚憐之夫刑至斷
支體刻肌膚終身不息何其痛楚而不德也豈
稱為民父母之意哉其除肉刑

新書君道篇詩曰愷悌君子民之父母言聖王
之德也

說苑政理篇云魯哀公問政於孔子孔子對曰
政有使民富且壽哀公曰何謂也孔子曰薄賦
斂則民富無事則遠罪遠罪則民壽公曰若是
則寡人貧矣孔子曰詩云愷悌君子民之父母

未見其子富而父母貧者也

孝經集證卷八

桂文燦纂

廣揚名章

子曰君子之事親孝故忠可移于君事兄悌故順可移于長居家理故治可移于官

大戴曾子立孝篇云是故未有君而忠臣可知者孝子之謂也未有長而順下可知者弟弟之謂也未有治而能仕可知者先脩之謂也故曰孝子善事君弟弟善事長君子一孝一弟可謂知終矣又立事篇云事父可以事君事兄可以事師長使

子猶使臣也使弟猶使承嗣也能取朋友者亦能取所與從政者矣賜予其宮室亦猶慶賞于國也忿怒其臣妾亦猶用刑罰于萬民也

小戴大學篇云古之欲明明德於天下者先治其國欲治其國者先齊其家又云家齊而后國治國治而后天下平又云所謂治國必先齊其家者其家不可教而能教人者無之故君子不出家而成教於國孝者所以事君也弟者所以事長也慈者所以使衆也又云詩云桃之夭夭其葉蓁蓁之子于歸宜其家人宜其家人而后可以教國人詩云

不武正是四國其為父子兄弟足法而后民法之也此謂治國在齊其家

左氏隱元年傳云鄭莊公寘姜氏于城潁而誓之曰不及黃泉無相見也既而悔之潁考叔為潁谷封人聞之有獻于公公賜之食食舍內公問之對曰小人有母皆嘗小人之食矣未嘗君之羹請以遺之公曰爾有母遺翳我獨無潁考叔曰敢問何謂也公語之故且告之悔對曰君何患焉若闕地及泉隧而相見其誰曰不然公從之公入而賦大隧之中其樂也融融姜出而賦大隧之外其樂也

洩洩遂為母子如初君子曰穎考叔純孝也愛其
母施及莊公詩曰孝子不匱永錫爾類其是之謂
乎

論語為政篇云或謂孔子曰子奚不為政子曰書
云孝乎惟孝友于兄弟施于有政是亦為政矣其
為為政

孟子滕文公篇下云入則孝出則悌趙注入則事
親孝出則敬長順也悌順也

鉤命決云孔子曰事親孝故忠可遺于君是以

求忠臣必于孝子之門

後漢書
彪傳注

韓詩外傳田常弑簡

死及家石他曰古之事君死其君之事舍君以
全親非孝也舍親以死君之事非孝也他則不
能然不盟是殺吾親從人而盟是背吾君也嗚
呼生亂世而不得正行奴乎暴人不得全義悲
夫乃迫盟以免父母退伏劍以死其君聞之者
曰君子哉安之命矣詩曰人亦有言進退維谷
石先生之謂也

是以行成於內而名立於後世矣

大戴曾子制言中篇云昔者伯夷叔齊死于溝澮

之間其仁成名于天下夫二子者居河濟之間非有土地之厚貨粟之富也言為文章行為表綴于天下是故君子思仁義晝則忘食夜則忘寐日旦就業夕而自省以歿其身亦可謂守業矣

論語先進篇云子曰孝哉閔子騫人不間於其父母昆弟之言

諫爭章

曾子曰若夫慈愛恭敬安親揚名則聞命矣敢問子從父之令可謂孝乎子曰是何言與是何言與昔者天子有爭臣七人雖無道不失其天下諸侯有爭臣

五人雖無道不失其國大夫有爭臣三人雖無道不失其家士有爭友則身不難于令名父有爭子則身不陷于不義故當不義則子不可以不爭于父臣不可以不爭于君故當不義則爭之從父之令又焉得為孝乎

周易蠱六四裕父之蠱往見吝虞翻曰裕不能爭也孔子曰父有爭子則身不陷于不義四陰體大過本末弱故裕父之蠱兌為見變而失正故往見吝象曰往未得是其義也

大戴曾子大孝篇云慈愛忘勞

又本孝篇云君子之孝也以正致諫士之孝也以

德從命

孔廣森曰言以德者親之命有夫德不以曲從為孝

又曰故孝子之

于親也生則有義以輔之

又立孝篇云微諫不倦聽從不急懼欣忘信咎故
不生可謂孝矣盡力無禮則小人也致敬而不忠
則不入也是故禮以將其力敬以入其忠又云可
入也吾任其過不可入也吾辭其罪

又大孝篇云君子之所謂孝者先意承志諭父母

以道

既氏元云
諭猶諫也

又云父母有過諫而不逆

又制言中篇云雖諫不受必忠曰智

又事父母篇云單居難問於曾子曰事父母有道乎曾子曰有愛而敬父母之行若中道則從若不中道則諫諫而不用行之如由己從而不諫非孝也諫而不從亦非孝也孝子之諫達善而不敢爭辨爭辨者作亂之所由興也

小戴曲禮下篇云為人臣之禮不顯諫三諫而不聽則逃之子之事親也三諫而不聽則號泣而隨之

又內則篇云父母有過下氣怡色柔聲以諫諫若

不入起敬起孝說則復諫不說與其得罪於鄉黨
州閭寧孰諫父母怒不說而撻之流血不敢疾怨
起敬起孝

又少儀篇云為人臣下者有諫而無訕又云諫而
不驕

又坊記篇云子云君子弛親之過而敬其美論語
曰三年無改於父之道

惟不言言乃讎子云從命不忿微諫不倦勞而不
怨可謂孝矣

左氏昭二十六年傳云子孝而歲杜注歲諫也

論語里仁篇云子曰事父母幾諫諫至不從又敬不違勞而不怨

孟子告子下篇云曰凱風何以不怨曰凱風親之過小者也小弁親之過大者也親之過大而不怨是愈疏也親之過小而怨是不可磯也愈疏不孝也不可磯亦不孝也孔子曰舜其至孝矣五十而慕

荀子子道篇云入孝出弟人之小行也上順下篤人之中行也從道不從君從義不從父人之大行也若夫志以禮安言以類使則儒道畢矣

雖舜不能加毫末於是矣孝子所以不從命有三從命則親危不從命則親安孝子不從命乃哀從命則親辱不從命則親榮孝子不從命乃義從命則禽獸不從命則修飾孝子不從命乃敬故可以從而不從是不子也不可以從而從是不哀也明于從不從之義而能致恭敬忠信端慤以慎行之則可謂大孝矣傳曰從道不從君從義不從父此之謂也故勞苦彫萃而能無失其敬災禍患難而能無失其義則不幸不順見惡而能無失其愛非仁人莫能行詩曰孝子

不匱此之謂也魯哀公問于孔子曰子從父命
孝乎臣從君命貞乎三問孔子不對孔子趨出
以語子貢曰鄉者君問邱也曰子從父命孝乎
臣從君命貞乎三問而邱不對賜以爲何如子
貢曰子從父命孝矣臣從君命貞矣夫子有矣
對焉孔子曰小人哉賜不識也昔萬乘之國有
爭臣四人則封疆不削千乘之國有爭臣三人
則社稷不危百乘之家有爭臣二人則宗廟不
毀父有爭子不行無禮士有爭友不爲不義故
子從命矣子孝臣從君矣臣貞審其所以從之

之謂孝之謂貞也此之謂也

白虎通義諫諍篇云臣所以

忠納誠也愛之能勿勞乎忠焉能勿誨乎孝經
曰天子有諍臣七人雖無道不失其天下諸侯
有諍臣五人雖無道不失其國大夫有諍臣三
人雖無道不失其家士有諍友則身不離于令
名父有諍子則身不陷于不義天子置左輔右
弼前疑後丞以順左輔主修政刻不法右弼主
糾周言失傾前疑主糾度定德經後丞主匡正
常考變夫四弼興道率主行仁夫陽變于七以

三成故建三公序四諍列七人雖無道不失天下仗羣辟也

又三綱六紀篇云父子者何謂也父者矩也以法度教子子者尊尊無已也故孝經曰父有諍子則身不陷于小義